

Lokalizovan požar u bivšoj fabrici Energoinvesta u I.Sarajevu



Poslije gotovo 24 sata od izbijanja, lokalizovan je požar u jednoj hali bivše fabrike 'Energoinvest-Rasklopna oprema' u Istočnom Sarajevu. Starješina Teritorijalne vatrogasne jedinice Istočnog Sarajeva Njegoš Vukadin izjavio je da više ne postoji mogućnost da se požar širi.

Po njegovim riječima, sada se ulazi u posljednju fazu, nekoliko provjera terena.

Požar je izbio u subotu oko 10 sati, a na gašenju su radile vatrogasne jedinice iz Istočnog Sarajeva, Kantona Sarajevo i pripadnici EUFOR-a.

Tokom gašenja požara niko nije povrijeđen.

Uzrok požara još nije poznat, a sumnja se u ljudski faktor.

Srpska demokratska stranka danas je saopštila da sumnja da je požar u Energoinvestu podmetnut "da bi se prikriili tragovi ogromnog državnog kriminala".

Iz SDS-a su naveli da je u požaru izgorjela najveća hala iz koje je isključena struja prije više od jedne godine i iz koje su odnijete mašine i "nezakonito prodate" u Zenici.

Ističe se da je vrijednost tih mašina bila pet miliona eura.

Date: 11-08-2019